

Wyndham a perde caso contra grupo Riu



ORANJESTAD(AAN): Diaranzon DIARIO a entrevista abogado David Kock riba e caso cu Wyndham a entama contra diferente grupo di persona y compania involvi den RIO hotel, cu a tuma over Aruba Grand, cu tabata Sheraton antes, unda cu nan a yega na un acuerdo cu Gobierno pa construi un hotel 5 stroya Europeo, cu ta e prome hotel asina akinan na Aruba. E grupo ta liga cu un

aerolinea cu ta bay bula tambe for di Spaña y otro partinan di Zuid Europa, pa Aruba.

Opinion di Wyndham tabata cu construccion di e hotel ey mester a para.

Kock a splica cu si bo wak bon, Wyndham ta e unico hotel riba e strip di hotel High rise, cu ta construi di banda, cu ta pone cu e tin un bista no solamente riba su beach, sino tambe riba e parti cu ta core bay te West Punt.

Wyndham tabata desea di preserva esey, purbando di laga huez ordena e hotel nobo, pa riba propio tereno di

e hotel keda sin construi algo, cu lo stroba e bista for di Wyndham.

Kock durante e caso a splica huez cu ora cu Wyndham a wordo construi, nan tambe a kita bista di Aruba Grand y Aruba Grand no a ni hik.

Huez a rechaza e peticion di Wyndham, sinembargo nan a cuminsa un caso contra Gobierno, pa para e permiso cu Gobierno a otorga na e grupo di RIU.

El a splica cu construccion di e hotel ta den full swing y awor cu huez a duna su veredicto, esaki ta sigui full speed.

**TOYOTA
YARIS
2001**

STD, A/C.,
2 PORTA

AFL. 12.000,=

FINANCIAMIENTO POSIBLE

TA BENDÉ

GS MOTORSPORT
CUMANÁ # 77-G
TEL: 588-9900
CEL: 593-3939